



**Broj: 14-11-1177/23**

**Datum: 04.08.2023. godine**

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22) i člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, Općinski načelnik d o n o s i

### **ODLUKU o izboru najpovoljnijeg ponuđača**

#### **I**

Za najpovoljnijeg ponuđača za javnu nabavku usluga: „Osiguranje imovine Općine Vogošća i MZ“, po provedenom otvorenom postupku javne nabavke izabran je sljedeći ponuđač:

#### **ASA CENTRAL OSIGURANJE d.d. Sarajevo sa ukupnom cijenom od 3.403,97 KM**

(slovima: trihiljadečetiristotinetri i 97/100 konvertibilnihmaraka) bez uračunatog PDV-a

#### **II**

Za izvršenje ove Odluke zadužuje se Stručna služba za poslove mjesnih zajednica i zajedničke poslove Općine Vogošća.

#### **III**

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

#### **IV**

Odluka o izboru najpovoljnijeg ponuđača objavit će se na web stranici [www.vogosca.ba](http://www.vogosca.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

### **O b r a z l o ž e n j e**

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 14-11-1177/23 od 12.07.2023. godine.

Procijenjena vrijednost javne nabavke bez uračunatog PDV-a je: 3.418,00 KM (slovima: trihiljadečetiristotineosamnaest konvertibilnihmaraka).

Obavještenje o javnoj nabavci broj: 1353-1-2-145-3-130/23 od 12.07.2023. godine, poslano je na objavu na Portal javnih nabavki.

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-364/23 od 28.02.2023. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu jedine prispjele ponude, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da su dana 01.08.2023.godine, pristigle ponude slijedećih ponuđača:

Redni broj	Naziv i sjedište ponuđača
1.	ASA CENTRAL OSIGURANJE d.d. Sarajevo
2.	SARAJEVO-OSIGURANJE d.d. Sarajevo

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 01.08.2023.godine u 17<sup>00</sup> sati, radi pregleda i ocjene prispjelih ponuda, te je konstatovala slijedeće:

Ponude ponuđača: ASA CENTRAL OSIGURANJE d.d. Sarajevo i SARAJEVO-OSIGURANJE d.d. Sarajevo su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, te tehničke i profesionalne sposobnosti) zahtjevane u tenderskoj dokumentaciji.

U ponudama ponuđača nije bilo računskih grešaka.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	ASA CENTRAL OSIGURANJE d.d. Sarajevo	3.403,97	/	3.403,97
2.	SARAJEVO-OSIGURANJE d.d. Sarajevo	3.409,10	/	3.409,10

Ne postoji sumnja u neprirodno nisku cijenu najpovoljnije ponude.

Ponude ponuđača: ASA CENTRAL OSIGURANJE d.d. Sarajevo i SARAJEVO-OSIGURANJE d.d. Sarajevo su unesene u sistem e-nabavki i zakazana je e-aukcija, koja je održana dana 03.08.2023. godine s početkom u 11<sup>10</sup> sati, i koja je trajala 10 (slovima: deset) minuta.

Ugovorni organ je od Agencije za javne nabavke zaprimio Izvještaj o uspješno održanoj e-aukciji, koju dostavljamo u prilogu i shodno kojom je ponuđač ASA CENTRAL OSIGURANJE d.d. Sarajevo ponudio najnižu cijenu koja iznosi: 3.403,97 KM (slovima: trihiljadečetiristotinetri i 97/100 konvertibilnihmaraka) bez uračunatog PDV-a.

Za vrijeme trajanja e-aukcije, ponuđači: ASA CENTRAL OSIGURANJE d.d. Sarajevo i SARAJEVO-OSIGURANJE d.d. Sarajevo nisu snižavali cijene svojih početnih ponuda.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

Redni br. na	NAZIV PONUĐAČA/GRUPE PONUĐAČA	UKUPNA CIJENA	Procentualno umanjenje cijene
--------------	-------------------------------	---------------	-------------------------------

rang listi		(KM) bez PDV-a	nakon provedene e-aukcije
1.	ASA CENTRAL OSIGURANJE d.d. Sarajevo	3.403,97	0%
2.	SARAJEVO-OSIGURANJE d.d. Sarajevo	3.409,10	0%

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača ASA CENTRAL OSIGURANJE d.d. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 3.403,97 KM (slovima: trihiljadečetiristotinetri i 97/100 konvertibilnihmaraka) bez uračunatog PDV-a te da se ponuđaču ASA CENTRAL OSIGURANJE d.d. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka. Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.



**Izradila:** Jasna Salihović

*Jasna Salihović*

**Kontrolisala:** Melisa Kršo

*Melisa Kršo*

#### **DOSTAVITI:**

- ASA CENTRAL OSIGURANJE d.d. Sarajevo
- SARAJEVO-OSIGURANJE d.d. Sarajevo
- Nadležnoj Službi
- a/a